

全唐詩目錄 一函

第七冊

樂府 十一卷至十三卷

全唐詩

雜曲歌辭

隋自開皇初置七部樂一曰西涼伎二曰清商伎三曰高麗伎四曰天竺伎五曰安國伎六曰龜茲伎七曰文康伎

至大業中乃立清樂西涼龜茲天竺康國疏勒安國高麗禮畢以爲九部唐武德初因隋舊制用九部樂太宗增高昌樂又造燕樂而去禮畢其舊令者十部一曰燕樂二曰清商三曰西涼四曰天竺五曰高麗六曰龜茲七曰安國八曰疎勒九曰高昌十曰康國而總謂之燕樂凡燕樂諸曲始於武德貞觀盛於開元天寶其著錄者十四調二百二十二曲又有梨園別教院法歌樂十一曲雲韶樂二十曲肅代以降亦有因造

遼東行

王建

遼東萬里遼水曲古戍無城復無屋黃雲蓋地雪作山
不惜黃金買衣服戰回各自收弓箭正西回面家鄉遠
年年郡縣送征人將與遼東作丘坂寧爲草木鄉中生
有身不向遼東行

渡遼水

王建

渡遼水。此去咸陽五千里。來時父母知隔生。重著衣裳如送死。亦有白骨歸咸陽。營家各與題本鄉。身在應無回渡。一作渡遼日駐馬相看遼水傍。

昔昔鹽

趙嘏 隋薛道衡有昔昔鹽嘏廣之爲二十章羽調曲唐亦爲舞曲昔一作析

垂柳復金堤

新年垂柳色。嫋嫋對空閨。不畏芳菲好。自緣離別嘶。因風飄玉戶。向日映金堤。驛使何時度。還將贈隴西。

薜蘿葉復齊

提筐紅葉下。度日采薜蘿。掬翠香盈袖。看花憶故夫。葉齊誰復見。風暖恨偏孤。一被春光累。容顏與昔殊。

水溢芙蓉沼

淥沼春光後。青青草色濃。綺羅驚翡翠。暗粉妒芙蓉。雲
遏窗前見。荷翻鏡裏逢。將心託流水。終日渺無從。

花飛桃李蹊

遠期難可託。桃李自依依。花徑無容跡。戎裘未下機。隨
風開又落。度日掃還飛。欲折枝枝贈。那知歸不歸。

采桑秦氏女

南陌采桑出。誰知妾姓秦。獨憐傾國貌。不負早鶯春。珠
履盪花濕。龍鉤折桂新。使君那駐馬。自有侍中人。

織錦竇家妻

當年誰不羨。分作竇家妻。錦字行行苦。羅帷日日囓。豈
知登隴遠。祇恨下機迷。直候陽關使。殷勤寄海西。

關山別
那堪聞蕩子。迢遞涉關山。腸爲馬嘶斷。衣從淚滴斑。愁
看塞上路。詎惜鏡中顏。儻見征西雁。應傳一字還。

風月守空閨

良人猶遠戍。耿耿夜闌空。繡戶流宵月。羅帷坐曉風。
魂飛沙帳北。腸斷玉關中。尙自無消息。錦衾那得同。

恒歛千金笑

玉顏怕自斲。羞出鏡臺前。早惑陽城客。今悲華錦筵。從
軍人更遠。投喜鵲空傳。夫壻交河北。迢迢路幾千。

長垂雙玉嚔

雙雙紅淚墮。度日暗中嚔。鴈出居延北。人猶遼海西。向

燈垂玉枕。對月灑金閨。不惜羅衣濕。惟愁歸意迷。

蟠龍隨鏡隱。

鸞鏡無由照。蛾眉豈忍看。不知愁髮換。空見隱龍蟠。那
慙紅顏改。偏傷白日殘。今朝窺玉匣。雙淚落闌干。

綵鳳逐帷低。

巧繡雙飛鳳。朝朝伴下帷。春花那見照。暮色已頻欺。欲
卷思君處。將嘯裛淚時。何年征戍客。傳語報佳期。

驚魂同夜鵲。

萬里無人見。眾情難與論。思君常入夢。同鵲屢驚魂。孤
寢紅羅帳。雙嘯玉筍痕。妾心甘自保。豈復暫忘恩。

倦寢聽晨雞。

去去邊城騎。愁眠掩夜闥。披衣窺落月。拭淚待鳴雞。不
憤連年別。那堪長夜曠。功成應自恨。早晚發遼西。

暗牖懸蛛網

暗中蛛網織。歷亂綺窗前。萬里終無信。一條徒自懸。分
從珠露滴。愁見隙風牽。妾意何聊賴。看看劇斷弦。

空梁落燕泥

春至今朝燕。花時伴獨嘯。飛斜珠箔隔。語近畫梁低。帷
卷閑窺戶。牀空暗落泥。誰能長此對。雙去復雙棲。

前年過代北

代北幾千里。前年又復經。燕山雲自合。胡塞草應青。鐵
馬喧鼙鼓。蛾眉怨錦屏。不知羌笛曲。掩淚若爲聽。

今歲往遼西

萬里飛書至聞君已渡遼
祇語新別苦忘卻舊時嬌
烽火戍年將老紅顏日向
彫胡沙兼漢苑相望幾迢迢

一去無還意

良人征絕域一去不言還
百戰攻胡虜三冬阻玉關
蕭蕭邊馬思獵獵戍旗閑
獨把千重恨連年未解顏
那能惜馬蹏

雲中路杳杳江畔草萋萋
妾久垂珠淚君何惜馬蹏
邊風悲曉角營月怨春顰
未道休征戰愁眉又復低

水調歌第一

水調商調曲也唐面凡十一疊前五疊爲歌後六疊爲入破久有新水調亦商調曲

平沙落日大荒西隴上明星高復低
孤山幾處看烽火

壯一作戰

士連營候鼓聲

第二

猛將關西意氣多。能騎駿馬弄瑤戈。金鞍寶鉸精神出。笛倚新翻水調歌。

第三

王孫別上綠珠輪。不羨名公樂此身。戶外碧潭春洗馬。樓前紅燭夜迎人。

第四

隴頭一段氣長秋。舉目蕭條總是愁。祇爲征人多下淚。年年添作斷腸流。

第五

雙帶仍分影。同心巧結香。不應須換彩。意欲媚濃妝。

入破第一

細草河邊一鴈飛。黃龍關裏挂戎衣。爲受明王恩寵甚。從事經年不復歸。

第二

錦城絲管日紛紛。半入江風半入雲。此曲只應天上去。人間能得幾回聞。

第三

昨夜遙歡出建章。今朝綴賞度昭陽。傳聲莫閉黃金屋。爲報先開白玉堂。

第四

日晚笳聲咽戍樓。隴雲漫漫水東流。行人萬里向西去。
滿目關山空。一作恨一作愁

第五

千年一遇聖明朝。願對君王舞細腰。乍可當熊任生死。
誰能伴鳳上一作入雲霄。

第六

閨燭無人影。羅屏有夢魂。近來音耗絕。終日望君門。

水調吳融

鑿河千里走黃沙。集作沙浮殿西來動日華。可道新聲是亡
國。且貪惆悵後庭花。

堂堂李義府堂堂角調曲本
陳後主所作唐爲法曲

鏤月成歌扇。裁雲作舞衣。自憐回雪影。好取洛川歸。
嬾正鴛鴦被。羞塞瑋瑁牀。春風別有意。密處也尋香。

同前 李賀

堂堂復堂堂。紅脫梅灰集作花香。作紅熟海梅香十年粉蠹生。畫梁飢

蟲不食。推碎黃蕙花。已老桃葉長。禁院懸簾隔御光。華

清源中。礬石湯。裴回百一作白鳳隨君王。

涼州歌第一 涼州宮調曲。開元中西涼府都督郭知運進本。在正官調中。有大遍小遍。至貞元初。康崑崙翻入琵琶。至

宸官調。初進曲在玉宸殿。故有此名。合諸樂。卽黃鐘宮調也。段和尙善琵琶。自制西涼州。後傳康崑崙。卽道調涼州。亦謂之新涼州。

漢家宮裏柳如絲。上苑桃花連碧池。聖壽已傳千歲酒。

天文更賞百僚詩。

第二

朔風吹葉雁門秋。萬里煙塵昏戍樓。征馬長思青海北。
胡笳夜聽隴山頭。

第三

開篋淚霑襦。見君前日書。夜臺空寂寞。猶見一作是紫雲車。

排遍第一

三秋陌上早霜飛。羽獵平田淺草齊。錦背蒼鷹初出按。
五花驄馬餵來肥。

第二

鴛鴦殿裏笙歌起。翡翠樓前出舞人。喚上紫微三五夕。
聖明方壽一千春。

涼州詞

耿緯

國使翩翩

集

隨旆旌隴西岐路足荒城
毳裘牧馬胡雛

小日暮蕃歌三兩聲

同前

張籍

邊城暮雨鴈飛低
蘆筍初生漸欲齊
無數鈴聲遙過磧
應駭白練到安西

古鎮城門白磧開
胡兵往往傍沙堆
巡邊使客行應早

每待

集

平安火到

集

舞來

鳳林關裏水東流
白草黃榆六十秋
邊將皆承主恩澤
無人解道取涼州

同前

薛逢

昨夜蕃兵報國讐
沙州都護破涼州
黃河九曲今歸漢

塞外縱橫戰血流

太和第一

太和羽
調曲也

國門卿相舊山莊
聖主移來宴綠芳
簾外輾爲車馬路
花間踏出舞人場

第二

國鳥尙含天樂轉
寒風猶帶御衣香
爲報碧潭明月夜
會須留賞待君王

第三

庭前鵲遶相思樹
井上鶯歌爭刺桐
含情少婦悲春草
多是良人學轉蓬

第四

塞北江南共一家。何須淚落怨黃沙。春酒半酣千日醉。
庭前一作邊庭還有落梅花。

第五徹

我皇曆運太平年。四海朝宗會百川。自古幾多明聖主。
不如今帝勝堯天。

伊川歌第一

伊州商調曲西涼節度蓋嘉運所進

秋風明月獨離居。蕩子從戎十載餘。征人去日殷勤屬。
歸鴈來時數寄書。

第二

彤闈曉闢萬鞍迴。玉輅春遊薄晚開。渭北清光搖草樹。
州南嘉景入樓臺。